

唐詩別裁

(三)

沈德潛選註

國學基本叢書

萬有文庫

第一集一千種

總編纂者

王雲五

商務印書館發行

唐詩別裁

卷九

五言律詩

玄宗皇帝

姓李諱隆基睿宗子靖內難即位開元中任姚崇宋璟韓休張九齡諸人治稱太平元寶後任李林甫楊國忠內寵貴妃外罷邊將治亂較然矣安祿山反幸蜀太子即位繼

武明年還京居西內崩唐祚自此不復再振○太宗高宗中宗皆有詩然承陳隋之後古律俱未諧故以玄宗爲始冠於唐初諸臣之上尊君也

經魯祭孔子而歎之

夫子何爲者。栖棲一代中。地猶鄒氏邑。宅卽魯王宮。歎鳳嗟身否。傷麟怨道窮。今看兩楹奠。當與夢時同。

孔子之道從何處贊歎故只就一遇立言此卽運意高處

送賀知章

遺榮期入道。辭老竟抽簪。豈不惜賢達。其如高尚心。寰中得祕要。方外散幽襟。獨有青門錢。羣僚悵別深。

朱子云越州有石刻唐朝臣送賀知章詩只云有明皇一首好○愛其賢全其節兩得之矣

幸蜀西至劍門

至劍門而未解

劍閣橫雲峻。鑾輿出狩回。翠屏千仞合。丹嶂五丁開。灌木縈旗轉。仙雲拂馬來。乘時方在德。嗟爾勒銘賢。

載有劍才雄健有力開盛
閣銘唐一代先聲

王績

野望

東臯薄暮望徒倚欲何依。樹樹皆秋色。山山唯落暉。牧童驅犢返。獵馬帶禽歸。相顧無相識。長歌懷采薇。

五言律前此失嚴者多應以此章爲首○逆章只無相識意懷采薇偶然興寄古人也說詩家謂感隨之將亡毋乃穿鑿

王勃

別薛華

送送多窮路。遑遑獨問津。悲涼千里道。悽斷百年身。心事同漂泊。生涯共苦辛。無論去與住。俱是夢中人。

杜少府之任蜀州

城闕記處輔三秦。風煙望五津。蜀地少與君離別意。同是宦遊人。海內存知己。天涯若比鄰。無爲在歧路。

兒女共沾巾。

揚

炯。炯華陰人。舉神童。爲弘文館學士。則天初。左遷梓州參軍。終盈川令。炯與王勃。盧照鄰。駱賓王。以文詞齊名。稱王楊盧駱。炯曰。我愧在盧前。恥居王後。蓋不滿于子安也。

從軍行

烽火照玉京。心中自不平。牙璋辭鳳闕。鐵騎繞龍城。雪暗凋旗畫。風多雜鼓聲。寧爲百夫長。勝作一書生。

此泛言用武効力勝於一經自守。唐汝詢爲朝廷尊
寵武臣而盈川抱才不遇故爾心中不平亦近於鑿。

盧照鄰

春晚山莊率題

田家無四鄰。獨坐一園春。鶯啼非選樹。魚戲不驚綸。山水彈琴盡。風花酌酒頻。年華已可樂。高興復留人。

清穩詩自開
後人風氣

駱賓王

在獄詠蟬

西陸蟬聲唱。南冠客思侵。那堪玄鬢影。來對白頭吟。露重飛難進。風多響易沉。無人信高潔。誰爲表予心。

實王兵敗後。史稱被誅。或云亡命。無下獄之說。意未從敬業
之前曾見繫也。原序平反已奏等語。見非討武后之故甚明。

蘇味道藥城人。未弱冠成進士。延載中。歷官鳳閣侍郎。聖初。拜天官侍郎。聖歷初。同鳳閣鸞臺
三品前後居相位數載。事持兩端。中無斷決。人號蘇摸稜。至賀三月雪。爲瑞雪。蓋諂佞人

也。後坐張易之
黨貶死。雍州。

正月十五夜

火樹銀花合。星橋鐵鎖開。暗塵隨馬去。明月逐人來。遊妓皆穠李。行歌盡落梅。金吾不禁夜。玉漏莫相催。

韋承慶字延休。陽武人。以孝聞。舉進士。補雍王府參軍。長壽中。累遷鳳閣舍人。後
三掌天官。知政事。後貶嶺表。入爲祕書少監。封扶揚縣子。遷黃門侍郎。卒。

淩朝浮江旅思

一作馬周詩

天晴上初日。春水送孤舟。山遠疑無樹。潮平似不流。岸花開且落。江鳥沒還浮。羈望傷千里。長歌遣四愁。

三四眼前真景。可悟畫理。

劉希夷

晚春

佳人眠洞房。回首見垂楊。寒盡鴛鴦被。春生玳瑁牀。庭陰幕青靄。簾影散紅芳。寄語同心伴。迎春且薄粧。

六朝風致。一語百媚。

陳子昂

晚次樂鄉縣

故鄉杳無際。日暮且孤征。川原迷舊國。道路入邊城。野戍荒煙斷。深山古木平。如何此時恨。噉噉夜猿鳴。

前此風格初成。精筆未備。子昂崛起。堅光奧響。遂開少陵之先。方虛谷云。不但感遇爲古調之祖。其律詩亦近體之祖也。

春日登九華觀

白玉仙臺古。丹邱別望遙。山川亂雲日。樓榭入煙霄。鶴舞千年樹。虹飛百尺橋。還逢赤松子。天路坐相邀。

度荆門望楚

遙遙去巫峽，望望下章臺。巴國山川盡，荆門煙霧開。城分蒼野外，樹斷白雲隈。今日狂歌客，誰知入楚來。

序自蜀入楚道路結言楚有狂歌之士今反狂歌入楚也

春夜別友人

銀燭吐青煙，金樽對綺筵。離堂思琴瑟，別路繞山川。明月隱高樹，長河沒曉天。悠悠洛陽去，此會在何年。

送魏大從軍

匈奴猶未滅，魏絳復從戎。悵別三河道，言追六郡雄。雁山橫代北，狐塞接雲中。勿使燕然上，惟留漢將功。

絳本和我今日從戎此活用之法一結雄渾

送別崔著作東征

金天方肅殺，白露始專征。王師非樂戰，之子慎佳兵。海氣侵南部，邊風掃北平。莫賣盧龍塞，歸邀麟閣名。

魏志田疇入徐無山中躬耕百姓歸之太祖北征烏丸不得進疇曰可回軍從盧龍口越白檀之險路近而傾太祖引軍出盧龍大斬獲論功行封疇不受曰豈可賣盧龍塞以是賞哉○詩意以懷佳兵爲主

杜審言

蓬萊三殿侍宴奉敕詠終南山

北斗挂城邊，南山倚殿前。雲標金闕迴，樹杪玉堂縣。半嶺通佳氣，中峯繞瑞煙。小臣持獻壽，長此戴堯天。

唐詩別裁 三 五言律詩

六

初唐五言律不用雕鑣。然後人雕鑣者，正不能到。故曰大巧若拙。陳杜沈宋足以當之。○詩詠終南而通說蓬萊，此應制體也。

秋夜宴臨津鄭明府宅

行止皆無地，招尋獨有君。酒中堪累月，身外即浮雲。霜白宵鐘徹，風清曉漏聞。坐攜餘興往，還似未離羣。

累月浮雲，妙用活對。月與雲皆活用也。故下有霜風字而不嫌其復。

夏月過鄭七山齋

共有尊中好，言尋谷口來。薜蘿山逕入，荷芰水亭開。日氣含殘雨，雲陰送晚雷。洛陽鐘鼓至，車馬繫遲迴。

寫日中之雨，雨後之雷，有情有景。

和晉陵陸丞早春遊望

獨有宦_健遊人，偏驚物候新。雲霞出海樹，梅柳度江春。淑氣催黃鳥，晴光轉綠蘋。忽聞歌古調，歸思欲沾巾。

末二句指陸丞之詩言。陸懷歸并動已之歸思也。

登襄陽城

旅客三秋至，層城四望開。楚山橫地出，漢水接天回。冠蓋非新里，章華即舊臺。習池風景異，歸路滿塵埃。

冠蓋里，章華臺，習池，皆在襄陽。弔古詩不應空寫，即此可悟。

送崔融

君王行出將，書記遠從征。祖帳連河闕，軍麾動洛城。旌旗朝朔氣，笳吹夜邊聲。坐覺煙塵埽，秋風古北平。

賦得妾薄命

草綠長門掩，苔青永巷幽。寵移新愛奪，淚落故情留。啼鳥驚殘夢，飛花攪獨愁。自憐春色罷，團扇復迎秋。

漢代后廢每居長門宮人廢每居永巷六語攪字本經語抵攪我心謂亂也

沈佺期

銅雀臺

昔年分鼎地，今日望陵臺。一旦雄圖盡，千秋遺令開。綺羅君不見，歌舞妾空來。恩共漳河水，東流無重回。

雲卿近體吞吐合芳安詳合度不必陳之簡老杜之渾厚而位置其間自難軒輊○嘲笑魏武意於言外見之○古人輕重之重與重疊之重通用

被試出塞

十年通大漠，萬里出長平。寒日生戈劍，陰雲拂旆旌。饑烏啼舊壘，疲馬戀空城。辛苦臯蘭北，胡塵損漢兵。

送金城公主適西番應制

金榜扶丹掖，銀河屬紫闈。那堪將鳳女，還以嫁烏孫。玉就歌中怨，珠辭掌上恩。西戎非我匹，明主至公存。

極周旋正是極不堪處

遊少林寺

長歌遊寶地。徙倚對珠林。鴈塔風霜古。龍池歲月深。紺園澄夕霽。碧殿下秋陰。歸路煙霞晚。山蟬處處吟。

夜宿七盤嶺

獨遊千里外。高臥七盤西。山月臨窗近。天河入戶低。芳春平仲綠。清夜子規啼。浮客空留聽。褒城聞曙雞。

平仲木名。見吳都賦。聽與聞複結處。每不用力爲昭容所抑。亦由乎此。

雜詩

聞道黃龍戍。頻年不解兵。可憐閨裏月。偏照漢家營。少婦今春意。良人昨夜情。誰能將旗鼓。一爲取龍城。

隴頭水

隴山飛落葉。隴鴈度寒天。愁見三秋水。分爲兩地泉。西流入羌郡。東下向秦川。征客重回首。肝腸空自憐。

宋之問

夏日仙萼亭應制

高嶺逼星河。乘輿此日過。野合時雨潤。山雜夏雲多。容藻光巖穴。宸襟洽薜蘿。悠然小天下。歸路滿笙歌。

扈從登封途中作

帳殿鬱崔嵬。仙遊實壯哉。晚雲連幕捲。夜火雜星回。谷暗千旗出。山鳴萬乘來。扈從良可賦。終乏揆天才。

沉雄之作。落句不免意盡。

送沙門弘景道俊玄奘還荊州應制

三乘歸淨域，萬騎餞通莊。就日離亭近，彌天別路長。

以謂帝言，以去後言。

荊南旋杖鉢，渭北限津梁。何日紆眞果，還

來入帝鄉。

弘景道俊未詳玄奘於貞觀中歷西域取經歸翻譯入藏高宗勅還荊州美條餞之。○彌天猶遠天此僧家語。

奉和立春日侍宴內出剪綵花應制

金閣妝仙杏，瓊筵弄綺梅。人間都未識，天上忽先開。蝶繞香絲住，蜂憐豔粉迴。今年春色早，應爲剪刀催。

留別之望舍弟

同氣有三人，分飛在此晨。西馳巴嶺徼，東去洛陽濱。強飲離前酒，終傷別後神。誰憐散花萼，獨赴日南春。

途中寒食

馬上逢寒食，愁中屬暮春。可憐江浦望，不見洛橋人。北極懷明主，南溟作逐臣。故園腸斷處，日夜柳條新。

此詩應謫龍州時作結處故園與四語洛橋相應。

登禪定寺閣

梵宇出三天，登臨望入川。開襟坐霄漢，揮手拂雲煙。函谷青山外，昆明落日邊。東京楊柳陌，少別已經年。

度大庾嶺

度嶺方辭國，停輶一望家。魂隨南翥鳥，淚盡北枝花。山雨初含霽，江雲欲變霞。但令歸有日，不敢怨長沙。

題大庾嶺北驛

陽月南飛鴈，傳聞至此迴。我行殊未已，何日復歸來。江靜潮初落，林昏瘴不開。明朝望鄉處，應見隴頭梅。

隴頭疑是嶺頭

陸渾山莊

歸來物外情，負杖閱巖耕。源水看花入，幽林採藥行。野人相問姓，山鳥自呼名。去去獨吾樂，無能愧此生。

李嶠

長寧公主東莊侍宴

別業臨青甸，鳴鑾降紫霄。長筵鵷鷺集，仙管鳳凰調。樹接南山近，煙含北渚遙。承恩咸已醉，戀賞未還鑣。

結見君恩無已

送金城公主適西番應制

漢帝撫戎臣，絲言命錦輪。還將美機女，比天孫遠嫁織皮人。曲怨關山月，粧消道路塵。所嗟穠李樹，用王姬事空

對小榆春。公主和番極辱國事雖奉詔作亦帶諷諷此立言之體也

宗楚客字子放蒲州人擢進士第諂事韋后武三思累官中書令陷害忠良并與謀弒逆中宗中毒崩睿宗子平王以兵靖亂誅韋后武三思楚客亦伏誅

奉和人日清暉樓宴羣臣遇雪應制

窈窕神仙閣。

清暉樓

參差雲漢間。九重中禁啓。七日入早春還。太液天爲水。

猶云天在水。

蓬萊雪作山。遇今朝上

林樹。頂上作結。無處不堪攀。

長孫正隱未詳。

晦日宴高氏林亭同用華字

晦晚屬煙霞。遨遊重歲華。歌鐘雖戚里。林藪是人家。細雨猶開日。深池不漲沙。淹留迷處所。巖岫幾重花。

郭振

塞上

塞上虜塵飛。頻年出武威。死生隨玉劍。辛苦向金微。久戍人將老。長征馬不肥。仍聞酒泉郡。已合數重圍。

蘇頌

奉和登驪山高頂應制

仙蹕御屑氛。高高積翠分。巖聲中谷應。天語半空聞。豐樹連黃葉。函關入紫雲。聖圖恢宇縣。歌賦少橫汾。

崔湜

字澄瀾。定州人。少成進士。官左補闕。預修三教珠英。轉考功員外郎。附武三思。遷兵部侍郎。又還上官昭容。轉中書侍郎。平章事。以事左轉。襄陽刺史。章庶人臨朝。復拜中書令。薨。

至忠誅。湜流嶺外。後知湜本謀。賜死。

折楊柳

二月風光半三邊戍不還。年華妾自惜。楊柳爲君攀。落絮縈衫袖。垂條拂髻鬟。那堪音信斷。流涕望陽關。

張說

恩敕麗正殿書院宴應制得林字

東壁圖書府。西園翰墨林。誦詩聞國政。講易見天心。位竊和羹重。恩叨醉酒深。載歌春興曲。情竭爲知音。

兵州燕別潭州王熊

縉雲通省閣。溝水遶西東。然諾心猶在。容華歲不同。孤城臨楚塞。遠樹入秦宮。誰念三千里。江潭一老翁。

深渡驛

旅宿青山夜。荒庭白露秋。洞房懸月影。高枕聽江流。猿響寒巖樹。螢飛古驛樓。他鄉對搖落。併覺起離憂。

還至端州驛前與高六別處

舊館分江口。淒然望落暉。相逢傳旅食。臨別換征衣。追敘從前會合及別離事昔記山川是。今傷人代非。往來皆此路。

生死不同歸。燕公嘗貶岳州與高遇而旋別及召還而高已辭世念及解衣推食情事悽然今地是人非死生異路不勝悼歎也

岳州贈廣平公宋大夫

亞相本時英。歸來復國楨。朝推長孺直。野慕隱之清。傳節還閩嶂。皇華入漢京。自謂寧思江上老。歲晏獨無成。

和魏僕射還鄉

富貴還鄉國。光華滿舊林。秋風樹不靜。君子歎何深。用臯魚語。謂歸而親沒也。故老空懸劍。用季子事。鄰交日散金。用疏傳事。衆

芳搖落盡。獨有歲寒心。

幽州夜飲

涼風吹夜雨。蕭瑟動寒林。正有高堂宴。能忘遲暮心。軍中宜劍舞。塞上重笳音。不作邊城將。誰知恩遇深。此種結。後惟老杜有之。遠臣宜作是想。

南中別蔣五岑向青州

老親依北海。賤子棄南荒。有淚皆成血。無聲不斷腸。此中逢故友。彼地送還鄉。願作楓林葉。隨君度洛陽。

南中贈高六讖

北極辭明代。南溟宅放臣。丹誠由義盡。白髮帶愁新。鳥墜炎洲氣。花飛洛水春。平生歌舞席。誰憶不歸人。

張九齡

望月懷遠

海上生明月。天涯共此時。情至語。情人怨遙夜。竟夕起相思。滅燭憐光滿。披衣覺露滋。不堪盈手贈。還寢夢

佳期。

旅宿淮陽亭口號

日暮荒亭上，悠悠旅思多。故鄉臨桂水，今夜眇星河。暗草霜華發，空亭鴈影過。興來誰與晤，勞者自爲歌。

於鄉臨韶川之桂水，旅中念及眇若天河，此種活對，度人無限金針。

折楊柳

纖纖折楊柳，持此寄情人。一枝何足貴，憐是故園春。遲景那能久，芳菲不及新。更愁征戍客，容鬢老邊塵。

湖口望廬山瀑布水

萬丈紅泉落，迢迢半紫氛。奔流下雜樹，洒落出重雲。日照紅霓似，天清風雨聞。靈山多秀色，空水共氤氲。

任華愛太白瀑布詩，係海風吹不斷江月昭還空二語，此詩正足相敵。

孫逖

宿雲門寺閣

香閣東山下，煙花象外幽。懸燈千嶂夕，卷幔五湖秋。畫壁餘鴻鴈，紗窗宿斗牛。更疑天路近，夢與白雲遊。

千嶂夕，五湖秋，永象外幽言之，五言寺之占六言閣之高。

梁獻未詳

王昭君

圖畫失天真。容華坐誤人。君恩不可再。妾命在和親。淚點關山月。衣銷邊塞塵。一聞陽鳥至。思絕漢宮春。
安命語實深于怨。○唐人詠昭君者多纖巧恬俗。此作故爲雅音。若少陵羣山萬壑。赴荆門。筆如游龍。不可方物矣。

崔顥

贈梁州張都督

聞君爲漢將。虜騎罷南侵。出塞清沙漠。還家拜羽林。風霜臣節苦。歲月主恩深。爲語西河使。知子報國心。
末語予字。都督自謂欲虜地。知其忠勇報國之心。不敢犯邊也。此等結法。少陵有之。

送單子裴都護赴西河

征馬去翩翩。城秋月正圓。單于莫近塞。都護欲臨邊。漢驛通煙火。胡沙乏井泉。功成須獻捷。未必去經年。
題潼關樓

客行逢雨霽。歇馬上津樓。山勢雄三輔。關門扼九州。川從陝路去。河繞華陰流。向晚登臨處。風煙萬里愁。

劉昫

寄江滔求孟六遺文

南望襄陽路。思君情轉親。惜酒偏知漢水廣。應與孟家鄰。在日貪爲善。昨來聞更貧。相如有遺艸。爲一問家人。
人不負死友。古人交誼。遺草中必無封禪書。